


TE KURA KAUPAPA MĀORI O WAIRARAPA

TE PŪTĀTARA



MŌHENI #11 WIKI 8, WĀHANGA 4 2021

NGĀ VARATANGA



HE KŌRERO NĀ TE TUMUAKI

Ka nui te mihi matakuikui ki a koutou e te whānau

E tika ana kia mihi ki a Ranginui e tū ake nei, ki a Papatūanuku e takoto iho nei. Ki a rātou kua mene atu ki te pō, haere, haere, haere, okioki atu rā. Ka waiho rātou ki a rātou, ka hoki anō ki a tātou te hunga ora, ka mihi.

Kāti rā he nui rawa te nukunuku haere, te nekeneke haere i tēnei wā. Me kī ko te whiore ki runga, ko te ūpoko ki raro me te nui o ngā akoranga o ngā tamariki tau 1-7 me tā rātou kaupapa ake "He kai kei aku ringa"; waihoki ko te pukumahi rawa o ngā tauira wharekura, ko tā rātou he mahi ki te taha o matua Sam Ludden, he whakaoti i a rātou mahi, ā, ko te whakarite mō ngā whakamātautau ā-waho mō te NCEA. He nui rawa anō te mahi a ngā kaiako ki te tuhi pūrongo mō a tātou tamariki, te whakarite anō hoki i te wiki wheako ka tū hei a te wiki tuawaru o te wāhanga nei - taihoa ake ki te pānui ka tuku atu ki te kāinga a te wiki e tū mai nei me te roanga o ngā kōrero mō te kaupapa rā.

Kua tīmata mai te mahi ki te whakariterite i tā tātou maara hou, nā ngā tuākana o te wharekura i hoahoa. I tēnei wā kei te hanga a matua Ben i tētahi papa ki waenga o te maara - koira hei wāhi mahi, hei wāhi kanikani, hei wāhi whakatā mō ngā tamariki. Ka mutu i te hanganga o te papa rā, kua hangaia ngā pātū o ngā maara hou, ngā maara hua whenua ki ia taha, ā, kua whakatō pā harakeke, ka whakarite he maara rongoā anō hoki.

Mātakitaki mai i tēnei wāhi...



PĂNUI



**Last Day
2021**

**TUESDAY 14TH
DECEMBER**



**First Day
2022**

**MONDAY 31ST
JANUARY**



HUI WHAKAMANA



**Te Kura Kaupapa Māori
o Wairarapa**



***We are sad to announce that hui
whakamana is now a closed event.
Please join us on Facebook for the
live streaming of term 4
Hui Whakamana***

***Friday 10th December
2-3pm***

KURA NOHINOHI



NGĀ MIHI MAHANA KI A KOUTOU KATO
KUA TATA MUTU TE KURA MO TE TAU.
TUATAHI KA RERE NGĀ MIHI KI AKU HOA MAHI, WHAEA TAHI RATOU
KO WHAEA REREAHU, KO KINGI ME AKUERA. MEI KORE AKE KO
KOUTOU E POIPOIA TO TATOU REO ME NGA TIKANGA, KA NGARO
PĒRĀ KI TE MOA!

KO TE MIHI O NGĀ MIHI KI NGĀ RANGATIRA MO ĀPOPO, TAKU
AKOMANGA, AHAKOA TE MATE URUTĀ, KA OTI TE MAHI. TINO
WAIMARIE TĒNEI POUAKO I A KOUTOU E TAETAE MAI KI TE KURA TE
HAPAI I NGĀ MAHI A KUI MĀ Ā KORO MĀ.
KEI TE HARIKOA NGA TAMARIKI, NE TE MEA KUA RITE TATOU MO
TEWIKI WHEAKO. HŪRŌ!
E NGĀ WHĀNAU O KURA NOHINOHI, HE WAIMARIE TĒNEI, KI TE TŪ
WHAKAITI KI MUA I A KOUTOU TAMARIKI, KI TE POIPOI IA TE RA IA
TE RA, NO REIRA KĀORE E MUTU AKU MIHI KI A KOUTOU.

KIA PAI NGĀ HARAREI, KIA HAUMARU KOUTOU KATO, OTĪRA,
TĀTOU KATO. MA TE ATUA TATOU E MANAAKI.
NĀKU NĀ WHAEA HUBBA



KURA TEINA

Tūmeke rawa te mahi pūtaiao!

Ko te pae tawhiti arumia kia tata. Ko te pae tata whakamaua Kia puta i te wheiao ki te ao mārama. Āuē Taukuri E! Ka rawe ngā mahi pūtaiao ki ngā tamariki o Kura Teina. Ahakoa ngā piki me ngā heke, i rangahau mātou i ngā mahi me ngā nekenekkehanga o te pūehutanga o te inu waireka, te pūehutanga o te puia. Otirā, ki te rere o ngā rare skittles. Ko te manako mō tātou o Kura Teina, ki a haere tonu ngā akoranga pūtaiao mō ngā tau e heke mai nei.



Te Aho Matua 5.1

Ko ngā āhuatanga ako katoa he mea mahi i roto i te koanga ngākau, me te whakaihiihi hinengaro.

Kei whea mai ngā mahi hihiri, whakapiki wairua hoki o tēnei wiki. Rawe tā mātou haere ki Rangiwhakaoma i te rangi tuatahi. Ahakoa te ua ki te taone, marino rawa atu te taha moana. Noho ana ngā nohinohi ki te tāhuahua o te one tākaro ai. Rawe te kīte i ngā pēpi e takaporepore ana i te hōpua me te harikoa hoki. Mō ngā tamariki o kura Teina me kura Waenga i piki rātou i te wharerama tae noa ki te taumata o taua toka. I kōrero mātou mō te ana i raro iho i te toka, te wāhi i huna ai te wheke o Muterangi. Rawe ana tā mātou titiro ki te tuawhenua. Te ātaahua hoki! I muri ake i tērā i hoki atu mātou ki te taha o ngā nohinohi. I te rangi tuarua, i kōtiti mātou huri rauna i ngā papa tākaro tīmata mai i Hau-ariki, Hupenui tae noa ki Carterton. Hei te rangi tuatoru, kei te piki ake mātou i ngā tihi o Remutaka whakawhiti atu ai ki Te Awakairangi haere ai ki te whare tapere o Brewtown ki te whakamātau i a rātou taonga tūraparapa me te papa retireti hukapapa. Kei te hīkaka rawa ki te whai wheako i ēnei āhuatanga.





Tamaiti ākona ki te kura kaupapa tū ana ki te ao!

E kī ana te kōrero "Ko te
hōkai nuku, ko te hōkai rangi,
ko te hōkai tēnei a tō tipuna,
a Tāne-nui-ā-rangi" Tēnei te
whakamiha atu nei ki a
Matua, i tīmata i te
pūtaketanga o te maunga o
tēnei kura, ā, ka piki, ka kake
ki tōna aupiki, ki tōna tihi,
arā, ki āna tau
whakamutunga ki Te
Wharekura i tēnei tau. I mau
tō ihu ki te one o NCEA, ki te
one o Te Kapa Haka, otirā, ki
te one o Te Aho Matua.



E kore e ārikarika ngā whakamānawa ki a koe e te tamaiti o
Tūmatauenga. Me te manako ka tau ngā hua nui o te tau, otirā o
ngā tau e mahuta ake nei i te pae ki a koe e te raukura o tō tātou
kura, o Te Kura Kaupapa Māori o Wairarapa. Pēnei i ngā kōrero a
Te Aho Matua "Kia tū pakari, tū rangatira ia hei raukura mō tōna
iwi." Nō reira, e puta rā koe ki te ao mārama, ka hoka tahi ai i te
ao. Whitiki taua!

WHAREKURA - Rōpū Mokomoko



I te wiki kua taha ake nei, i peka atu ngā ākonga tau 8 ki te awa o Ruamahanga ki te waewae tūnga o te pae maunga o Tararua. Nā matua Hamuera Ludden i arahina i te rōpū nei. I tae hoki mai ētahi ākonga Mākoura ki tā mātou taha. Mīharo katoa ngā mahi ki te awa, i kaha whiti mai ngā hīhiri o Tamanui te rā ki runga ki te wao nui ā tāne.

He wai reka, he wai Māori, he wai tuku kiri e rere kau ana mai i te pae maunga hīhiri, tae atu ki ngā whāruarua o te rohe o Wairarapa, tae atu ki te moana o Ōnoke, tuku tuku atu ki te tai o Rēhua.

Ko te awa tōku mana, ko te awa tōku ngākau, ko te awa te oranga o tōku iwi whānui!

Nā Matua Wake

TKKMOW HĀKINAKINA

Ka Mau Te Wehi!!

Whuuu, kātahi rā te wāhanga whakapau kaha mō ngā mahi hākinakina. E tika ana me mihi ka tika ki ngā matua i whakapau kaha ki te tautoko mai i o tātou tamariki i tēnei o ngā wāhanga ako. Mei kore ake ko koutou, ka kore tātou e taea te tutuki i ngā mahi hākinakina. Mauriora ki a koutou katoa.



Tutaki

TE KAIKO...

ANGELA-LEIA (BUBBA) CASHA



***Ka tū au ki te karamatamata
ō tōku maunga o Tararua
E rere nei ngā wai ahuahu o Waiōhine
Hōkai whakararo ki te waka o Tākitimu
Ka noho rā au ki te āhuru mōwai o te
marae o Pāpawai
Tiro atu ki te hapū o Ngāti Kahukura-ā-whitia
Nei rā te uri whakaheke o Ngāti Kahungunu
E mihi ana, e mihi ana, e mihi ana e!***

Ko Bubba taku ingoa, kua noho tēnei ingoa ki au mai i taku tamarikitanga, ā, ka noho ki au mō ake tonu atu. Ko Chris taku hoa rangatira. Nō te motu o Malta ia, pātata taua wahi ki Sicily. E toru ā māua tamariki ko Charlie kei te wharekura, ko Melita kei kura waenga ko Rakai Pomare kei kura nohinohi, ā, e kuraina hoki ana rātou ki tēnei kura o tātou. Kua noho pūmau mātou te whānau Casha ki roto i te kaupapa o te kōhanga reo tae atu ki te Kura Kaupapa Māori. He raukura ahau nō Te Kura Kaupapa Māori o Wairarapa, nōku te hōnore ki te hoki mai ki taku kura hei kaiako. E 8 tau au e mahi ana ki te kura nei. I tīmata au ki kura teina, ā, ināianei kei te wharekura au, ā, nōku te maringa nui ki te noho mai ki tēnei o ngā akomanga.

**6.12 Kia tū pakari, tū rangatira ia hei
raukura mō tōna iwi.**